



**D. D. Emanuelis Gonzalez Tellez, In Inclyta Salmanticensi  
Academia Collegii Majoris Conchensis Alumni, &  
antiquioris vespertinæ Sacrorum Canonum Cathedræ  
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Quartum

**González Téllez, Emanuel  
Francofurti Ad Moenum, 1690**

Caput VII. Idem (a) Magistro S. de Melun. Canonico Herefordensi.

---

[urn:nbn:de:hbz:466:1-74533](https://nbn-resolving.de/urn:nbn:de:hbz:466:1-74533)

Deus dedit, cognitionem contrahere in catechismo, & in Baptismo, & in Confirmatione, seu christmatis unctione inclusivè: quamvis de illa expositione Thoma Sanchez non parum dubitaverim, agnoscens textum in d. cap. 1. agere de impedimento impidente, non autem de dirimente; atque adaptari non posse ad cognitionem ex batismo & confirmatione ortam: quapropter credo, intelligendum esse illum textum tantum de catechismo, & ejus ceremoniis, quæ præcipue incipiebant à pabulo sacrati falso, &

finiebantur in sancta unctione, quæ per ecclesia baptisatum, de qua Dionysius de eccl. p. 2. hierarch. 2. p. cap. 2. D. Cyprianus lib. 1. epist. 7. 3.  
hodie tamen haec species cognitionis spiritualis sublata est per Trident. sess. 24. de reform. cap. 2. ut declaravit sacra Congregatio per hæc verba:  
*Qui in Ecclesia fuit presens ei, qui domi verè fuit baptizatus, si deinde in Ecclesia fuerint servatae solennitates, nullam specialem cognitionem contraxit.* Referunt Farinac. dicto cap. 2. Leander dicta disp. 23. q. 4.

## C A P U T VI.

Innocentius III. (a) *N. Episcopo Linconiensi, & N.*  
*Decano de Huntedunc.*

**V**eniens ad presentiam nostram G. Anglicus natione, nobis exposuit, quod cùm olim in adolescentia constitutus mulieri cuidam adhæsisset, quam tamen quidam alius antè cognoverat, de consilio matris suæ factum est, ut eadem mulier quendam puerum, quem de alia soluta ipse suscepserat, de sacro fonte (b) levareret, ad suspicionem & infamiam utriusque delendam. Deinde verò cùm in ejus amorem vehementius exarderet, absque consilio amicorum eam clanculo desponsavir. Cumque prolem ex ea procreare non posset, & increpationes à patre suo gravissimas sustineret, quod eam despōsando deliquerat, revolvens in animo, ipsâ dimissâ, causâ orationis Hierosolymam est profectus. Verum cùm idem rediens de partibus transmarinis prolem eam suscepisse de alio invenisset, ei noluit adhærere, sed propter adulterium, quod commisisse taliter videbatur, eā omnino dimissâ, ad longinquam se transferens regionem, & ad Eugubin tandem veniens civitatem, quandam ibidem cum terra & dote decenti matrimonialiter sibi copulavit, de qua prolem se confessus est suscepisse: capropter discretioni vestrae per Apostolica scripta mandamus, quatenus super his inquiratis diligentius veritatem: & si primam mulierem prædicti viri filium de sacro fonte levasse confiterit, antequam eam despōsasset uxorem, vos inter eos, divortium appellatione postpositâ celebrantes, rei processum nobis per litteras vestras fideliter exponatis, ut an cum secunda valeat legitimè commorari, veritate cognitâ decernere valeamus. Quod si ambo. &c. Tu ea frater Episcope, &c. Datum apud civitatem Castellanam, VIII. Idus Octobris.

## N O T Ā.

1. (a) *[Linconensi.] Ita etiam legitur in tercia collectione, sub hoc titul. cap. 1. & in iisipsis epistolis editis à Sireto, fol. 189. ex quo registro textum hunc transcribo. De Linconensi Ecclesia egi in cap. 8. de rescriptis, & commentarium hujus textus dabimus infra in cap. final.*
2. (b) *[Levaret.] Immediatè tenens puerum: nam quando matrī non tenet baptizatum, neque illum suscipit immediatè de manu patrī, non contrahit cognitionem spiritualem, ut declaravit*

sacra Congregatio, referente Farinacio in d. cap. 2. Concil. Trident. quæ quando statuit inter unum, & unam, quia ad summum in patrinos eligi permittuntur, & baptizatum ipsum, atque ipsius patrem & matrem contrahi spiritualem cognitionem, supponit matrinam à sacro fonte baptismatis filium simul suscepisse, idest immediate à manu baptizantis levasse, ut docuerunt Sanchez lib. 7. de matrī. disp. 50. num. 2. Basil. eod. tract. lib. 7. cap. 39. num. 9. Hurtado de matrī. disp. 18. difficult. 3. Bonac. eod. tract. puncto 5. §. 2. num. 13.

## C A P U T VII.

Idem (a) *Magistro S. de Melun. Canonico Herefordensi.*

**T**ua nos duxit discretio consulendos, an natus ante compaternitatem, filiam com patris sui, vel commatris, procedente tempore sibi possit matrimonialiter copulare; & si cum ea contrixerit, & pluribus annis simul permanferint, an postea debent separari? Quæsi vixit etiam, an conscient talis matrimonii teneantur illud in publico accusare. Super quo discretioni tua duximus respondendum, quod hujus-

mo di personæ matrimonium possunt contrahere ; & si contraxerint , de juris rigore possunt ab invicem separari ; & qui contractum sciverunt , debent illud Ecclesiæ nuntiare.

## NOTÆ.

(a) **H**erfordensi.] Ita etiam legitur in tertia collectione , sub hoc titulo capite. 2. De

Herefordensi Ecclesia egi in capite 2. de temp. ordin. & textum hunc expolui suprà in capite 1.

## C A P U T VIII.

(a) Gregorius IX.

**E**X litteris vestris accepimus, quod cum Martha mulier coram (b) Officiali Cantuariensi Alanum peteret in virum, & se ad fidatam ab eo, ac carnaliter cognitam per testes idoneos probavisset, dictorum tandem testium depositionibus publicatis, idem A. excipiendo proposuit, quod eam habere non poterat in uxorem, pro eo, quod ipsum pater mulieris ejusdem, qui (c) Sacerdos exitit, baptizavit. Sed cum idem Officialis exceptione hujusmodi non admissa definitivam tulerit sententiam contra ipsum, & idem ad Sedem Apostolicam appellaverit: mandamus quatenus si est ita, eundem A. super hoc ab impietatione mulieris absolvatis ipsius, eidem mulieri perpetuum silentium imponentes.

## NOTÆ.

1. (a) **G**regorius.] Non constat, quibus Prælatis describat Gregorius, tantum agnoscitur loqui cum Prælatis Ecclesia Anglicanæ, ubi causa hujus textus contigit.
2. (b) **O**fficiali.] Id est Vicario, ut exposui in cap. I. de officio Vicarii.
3. (c) **S**acerdos.) Qui forsitan habeat filiam illam ex nuptiis contractis ante Sacerdotium.

## COMMENTARIUM.

**E**X his decretalibus sequens communiter deducitur assertio: Inter baptizatum, & filium baptizantis, & inter baptizati patres, & ipsum susceptorem, contrahitur cognatio spiritualis matrimonium dirimens. Probant eam textus in cap. I. & per totam 30. q. 1. cap. final. 30. q. 3. cap. 1. & per totam 30. q. 4. cap. 2. 3. 4. 6. & 8. hoc titul. cap. I. & 2. eod. titul. in 6. cap. consanguinei, dare iudicat. cap. 1. qui matrimonia accipere, cap. veniens, de sponsalib. in prima collectione, Synodus Nicæna can. 21. ibi: Nemo fidelium cum patre, aut matre spirituali matrimonium contrahat, id est cum patrini, aut matrini; & qui hoc commiserit, habeatur tanquam ethnicus. Heraldus Episcop. Turon. in suis capitulis, can. 66. ibi: Quod conjunctio spiritualis committit in conjugium, anathematizit. Synodus Romana sub Zacharia can. 5. Presbyteram, diaconam, novam, aut monacham, vel etiam purualem committit nullus sibi praesumat ne facio conjugio copulare. Gregorius VIII. in Concil. Rom. Qui copulantur parentibus, vel commatibus, & filiolis, excommunicentur. Synodus Trullana can. 53. ibi: Quoniam major est spiritus conjunctio, quam corporum, scimus in aliquibus locis quosdam ex sacro, & salutari baptisate pueros suscipientes, cum eorum matribus viduiscopulari; id fieri prohibemus, sed si contraxe-

rint, separantur, & paenitentiam subjaceant. Synodus Mogunt. sub Carolo, can. 55. & sub Arnulpho can. 18. l. si quis alumnam, G. de nuptiis. Luitprandus R. in legibus Longobard. tit. 24. §. 6. cum sequent. Praecepimus, ut nullus presumat committere suam uxorem ducere, sed nec filiam, quam de sacro fonte levavit; nec filius eius presumat filiam ipsius uxorem ducere, qui enim de fonte suscepit: quia spiritualis germanie esse noscuntur; & qui hoc malum facere presumperit, perdat omnem substantiam suam; & filii qui de tali illicito matrimonio nascuntur, heredes esse non debent. Carolus Magnus lib. 5. cap. 100. Nullus proprium filium, aut filium de fonte baptismatis suscipiat, nec filiolam, nec committere ducat uxorem, nec illam cuius filium vel filiam ad confirmationem tenerit: ubi autem factum fuerit, separantur. Trident. sess. 24. cap. 2. Alia Patriarcharum Orientalium decreta referuntur lib. 3. juris Orient. Illustrant ultra congestos in presenti à Barb. Gentil. de nuptiis lib. 5. cap. 15. Torreblanca de iure spirituali. lib. 2. cap. 15. seqq. 3. Manrique de differentiis utriusque fori, q. 17. Basil. de marim. lib. 6. cap. 4. cum sequent. Vigilius in method. juris can. fol. 468. S. Raymundus in summa lib. 4. tit. 5. Ant. Augustin. in coll. juris can. lib. 22. tit. 24. Balsamon in dicto can. 53. sextae Synodi, Joannes Sanchez in select. lib. 2. disp. 40. Petrus Gregorius lib. 13. partit. tit. 21. cap. 9. Vicecomes derribus baptisi lib. 1. cap. 35. & de ritibus confirm. lib. 1. cap. 12. Cujac. & Canisius hic, Joannes Durtis ad decr. in 30. q. 1. Rousseli lib. 1. hyst. Pontif. iurisd. cap. 5. num. 9. Zonaras in Niccephoro Phoca. Macedo de clavib. Petri lib. 4. de marim. cap. 11.

Sed pro dubitandi ratione in praesentem assertione ita insurgo: In materia sacramento-  
rum Ecclesia non habet potestatem mutandi, seu  
minuendi aliquo ex his, quæ a Christo Domino  
sunt instituta, ut probavi in cap. 3. de clandest.  
despons. sed à matrimonio contrahendo ex jure  
divino non arcentur compates, & alia perso-  
nae in hoc titulo enumeratae: ergo nec ab Ec-  
clesia inter similes personas potuit matrimonium  
prohi-